



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex cap. 5. & 6. lib. Levit. in quibus describitur Lex de immundo ex contactu. Lex de prævaricante, & sacra non debitè tractante. Lex de igne perpetuo & variis oblationibus &c.

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

cis Deum ē Cælo trahens verbis , divinam omnipotentiam æmular-
tur. Non erit homo , quia per sacramentalem absolutionem pec-
cata remittens , Deus vocabitur. Quantam ergo exigit à te Christia-
ne hæc Dignitas Reverentiam & amorem ? Ferdinandus II. Rex teste
Lomarico vitæ ejus c. 9. auditus est dicere : occurrentibus sibi eodem
in loco Angelô & sacerdote, se primum locum sacerdoti, secundum
Angelo honoris officium persoluturum. Si Ægyptus olim Josepho
tantum detulit honorem, ut eum terræ Salvatorem proclamaret:
cūm tamen ei de panibus tantum prospexerit: quid honoris impen-
dendum illis , qui Deum ipsum tibi offerunt instar panis , æternam
tibi vitam largientis, sumendum ? si locos aut Reliquias ab incarnati
verbi contactu olim consecratas summâ colimus reverentiâ : quan-
ta debebitur reverentia manibus illis , in quibus velut in triumphali
curru quotidie cernitur residere Christus ? cur ergo audes Christiane
sacerdotes frequenter praire , eos ridere, eorum mores discutere, fa-
man attractare: cūm tamen ipse Deus , ut sacerdotum etiam veteris
Testamenti famæ honorique consuleret versu 11. cit. cap. præceperit:
pelles victimæ oblatæ pro peccato sacerdotis & omneim carmen cum
pedibus & capite &c. extra castra deferri , & comburi: ne vestigium
remaneat ullum ex peccato Sacerdotis , quod ejus famæ & honori
officere posset. Quare etiam Christus , quoties arguit Synagogam,
nunquam auditus est nominare sacerdotes , Matthæi 23. dicens : Su-
per cathedrum Moysis sederunt scribe. Angelos non minus summam re-
verentiam sacerdotibus detulisse incomerto est: nam Lucæ 1. legi-
tur: Angelum stetisse à dextris Altaris Incensi ; cūm tamen in ipso
Christo Monumento dicatur sedisse. Nec mirum: ibi enim habuit
socium sacerdotem , hic verò mulieres, eti sanctissimas & omni ve-
neratione dignas.

Doctrina 3.

*Desumpta ex cap. 5. & 6. lib. Levit. in quibus describitur Lex de immundo
ex contactu. Lex de prævaricante, & sacra non debitè tractante. Lex
de igne perpetuo & variis oblationibus &c.*

N.126. Considera 1. **H**ominem, qui eti non peccasset per malitiam tangendi
aliquid immundum, sive quod occisum à bestia, aut per se mor-
tuum &c. nihilominus reum delicti factum ; & hinc mundandum
sacri-



sacrificiō, figuram esse illorum, qui perversis se Sociis jungunt. Etsi enim id non malā intentione contingat; attamen malus plerumque effectus consortium hoc consequi solet, dum sensim inficiuntur paribūs peccatorum maculis; nam & hi, qui pestem contrahunt, non eā inquinantur voluntariē, sed ex commercio & praxi cum infectis. Optimè ad propositum nostrum ait S. Chrysost. in Psal. 4. scribens: *Quemadmodum corpora à corrupti aëris lue insecta pereunt, & quemadmodum sanus oculus, quando laborantem aspergerit, afficitur, & qui est scabie resertus, iūs etiam, qui sani sunt, eam impertit: ita sapè etiam contingit in consuetudine improborum hominum.* Et ideo suās Christus non solum eos, qui sunt tales, fuge-re, sed etiam excindere, sic dicens: si oculus tuus dexter scandalizaverit te, erue eum. Attende ergo Christiane Lector, quibus te sociis credas? oportet utique cautissimum te esse illis in rebus, quae etiam invitum quandoque in culpam & poenam trahere solent: sic Alipius Romæ ab amicis ad Amphiteatrum renitente animō perductus, repente insanō ludorum gladiatorumque amore correptus, spectavit, clama-vit, exarsit. S. August. lib. 6. Confess. erat Josaphat Rex Juda vir laudatae pietatis; & hinc à Deo protectus non habebat, quod time-ret à Syris: Verum ut persuasus ab impio Achab, cum illo ad bellum processit, illico ab hostilibus turmis cinctus, in summam vitæ discri-men pervenit 3, Reg. ult. ô quot reperire est adolescentes innocentis vitæ, qui quidem frequenti Angeli custodis monitu audiunt illa Christi verba: *Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces.* Matth. 7. Verum dum satis cavere negligunt, in extremum animæ perdendæ periculum incidunt. Memorat Neander: sturnum cicurem hæc verba ab Hero suo edictum esse: *Cave à malo consortio, quæ identidem repetierat.* Accidit autem, apertâ fortè caveâ sturnum avolare, & hibi similibus con-junctum in substrata aucupis area capi, captumque ad necem ab au-cupe, qui cætetus jam necaverat, quæri. Hoc in discriminé consti-tutus sturnus occinit: *Cave à malo consortio.* Quæ verba audiens au-cepit ei vitam donavit, salutari documentō hominibus, præsertim juvenibus reliktō, summis exponi periculis illos, qui sociis quibus-cunque obviis sese exponunt, non satis cognitā eorundem probita-te. Quare elephantem imiteris Christiane, qui caprō etiam à longe conspecto fugit Pierio teste, quia ejus fœtorem nuspiam pati potest.

N.127. Considera 2. Per ignem, quem Deus voluit semper ardere in Altari v. 12. cap. 6. nutrientum à sacerdote, subjiciente ligna per singulos dies, denotari charitatem Dei: hæc ut nunquam in Altari pectoris Christiani extinguatut, ligno Crucis & passionis Dominicæ per servidas Meditationes nutrienda est. Tanta vis est Crucis Christi, asserit Orig. l. 6. in Epist. ad Rom. ut si ante oculos ponatur, & in mente fideliter retineatur, --- nulla concupiscentia, nulla libido, nulla possit superare invidia: sed continuò ad ejus presentiam totius ille peccati & carnis fugatur exercitus; per consequens amor divinus in cordis Ara conservetur illæsus. Deipara Virgo hunc ignem, ut continuo foveret, testatur apud S. Brigittam lib. 2. c. 12. se cogitationibus semper versatam esse in sepulchro Filii sui. Sanctus Paulus pari ex causa adeò in meditanda passione Dominicæ erat assiduus, ut nil aliud, quam hanc ipsam se scire jactaret 1. Corinth. 2. Postquam pœnitens, & Christi amore flagrans Magdalena in eremum se contulit, & supplex à Deo petiit: quò negotiō se imposterūm occuparet? ab Archangelo Michaeli Crucem accepit, in aditu speluncæ positam, cuius aspectu & meditatione conceptos divini amoris ignes semper nutrit. Piissima inater nostra Sancta Ecclesia, ut filios ad divinum accendat amorem, quid aliud facit sacrò Passionis tempore, quam quod glorioissimæ Crucis Trophæum in sublime attollat, & miris deprædicet laudibüs, totò illō quatuordecim dierum tempore imperans decantari Hymnum? Vexilla Regis prodeunt, fulget Crucis Mysterium, quo carne carnis Conditor suspensus est Patibulo &c. Simul verò (quod planè videtur admiratione dignum) crucifixum ipsum nostris abripit oculis, dum violaceis illum velis obducit, prætensisque velut sipariis occultat. Sunt variæ variorum Interpretum opiniones: quid isthac portentet occultatio? Seligam ego ex omnibus illam, quæ asserit: Ideò Crucifixi effigiem Passionis dominicæ tempore oculis corporeis quodammodo subduci, ut ipsa oculis mentis nostræ magis per servidas meditationes illucescat: hunc enim fermè esse hominum genium, ut quod patulum sit, & in apertum prorumpat, veluti neglectum habeatur: id verò quod abditum lateat, magna queratur aviditate. Non tantò studiō quererentur metalla, nisi terra suis ea visceribus abscondisset, densisque latebris humanam irritassat cupiditatem. Non aliâ arte Apelles inspiciendæ suæ picturæ hominum orexim magis excitavit, quam cum depicto illam velo fingeret occultari. Non dispari igitur modō

dō se gerit Mater Ecclesia: ut per frequentes Dominicæ Passionis Meditationes ignis amoris divini accenderetur vehementius, accensusque duraret diutius: hinc ipsam patientis imaginem corporeis subducit oculis. S. Petrus Dam. lib. 3. Epist. 18. refert in India reperiri admirandæ virtutis arborem, *Peridiron* illam vocant Incolæ, quæ præter frustum, quem gignit saluberrimam umbram projicit, quō noxii serpentes abiguntur. Arborem hanc quis non dixerit sanctissimam Crucem in corde Christiani hominis per frequentem meditationem passionis Dominicæ radicatam? de hac verificatur illud Cant. 2. v. 3. *Sub umbra illius, quem desideraveram sedi,* & fructus ejus dulcis gutturi meo. ô benedictum lignum, quod dum vitæ es principium, es quoque firma radix amoris divini! ô saluberrima arbor! dum à pectore fidelium abigis serpentem tartareum, exaltas in eo Christum. Paulò antequam Salvator adoratur Passionem suam, in hæc erupit verba Matth. 20. *Ecce! ascendimus Ierosolymam, & filius hominis tradetur ad crucifigendum.* Et mox subjungitur: accessisse matrem filiorum Zebedæi, & sollicitam de illorum promotione primas petuisse sedes. Scio: non paucos SS. Patrum inveniri, qui hanc mulierem vel imprudentiæ vel impudentiæ arguant, attamen persuasus sum, illam hōc factō maximum prudentiæ suæ specimen dedisse, eō quōd gloriam illō prorsus tempore petierit, quō Christus ad summam sui confusionem & mortem ipsam properabat; videtur sententiam confirmare meam S. August. in Psal. 95. hæc scribens: *Filius Dei pro nobis mortuus est: securus esto accepturum vitam ipsius, qui pignus habes mortem ipsius.* Liceat nunc Christianæ Lectori ex hac doctrina Augustini sequelam, nostrò proposito accommodam formare: nempe certius non dari signum amoris divini in corde Christiani latentis, quām frequentem Dominicæ Passionis memoriam; si enim hæc Passio Augustinō teste pignus est æterne vitæ, olim in cœlo obtinendæ, erit hærcle etiam certissimum pignus amoris divini (qui est prægustus vitæ æternæ) in corde Christiani latentis.

Doctrina 4.

Desumpta ex cap. 7. & 8. lib. Levit. in quibus describitur lex Hostie pro dilecto, pœna comedentis ore pollutō de Hostiis Pacificorum, lex de Adipe & sanguine. Aaronis solemnis consecratio & filiorum ejus.

Considera 1. **S**i Deus cum tanta munditie Altari ministrari voluerit, N. 128.
in quo sola offerebantur animalia, farina, incensum &c.
Y 3 quan-